



Հայաստանի Հանրապետության սնանկության դատարան

Ո Ր Ո Շ ՈՒ Մ

Սնանկության կառավարիչ նշանակելու մասին

<<9>> փետրվարի 2024թ.

ք. Երևան

Հայաստանի Հանրապետության սնանկության դատարանի դատավոր Ա. Բաբայանս, քննարկելով դիմումի Անդրանիկ Նորայրի Վարդանյանի՝ կամավոր սնանկության պահանջի մասին սնանկության գործով կառավարիչ նշանակելու հարցը

Պ Ա Ր Զ Ե Ց Ի

Անդրանիկ Նորայրի Վարդանյանը դիմում է ներկայացրել դատարան՝ կամավոր սնանկ ճանաչելու պահանջի մասին:

Հայաստանի Հանրապետության սնանկության դատարանի 23.01.2024թ. որոշմամբ դիմումն ընդունվել է վարույթ:

Դատարանի 01.02.2024թ. որոշմամբ սնանկության գործով ժամանակավոր կառավարիչ է նշանակվել Արամ Կարապետյանը:

Դատարանի 01.02.2024թ. վճռով Անդրանիկ Նորայրի Վարդանյանն ճանաչվել է սնանկ: Վճիռն օրինական ուժի մեջ է մտել 01.02.2024թ-ին:

Քննարկելով Անդրանիկ Նորայրի Վարդանյանի սնանկության գործով կառավարիչ նշանակելու հարցը՝ Դատարանը գալիս է հետևյալ եզրահանգմանը.

<<Սնանկության մասին>> Հայաստանի Հանրապետության օրենքի 22-րդ հոդվածի 1-ին մասի համաձայն՝ սնանկության գործով կառավարիչ կարող է նշանակվել Հայաստանի Հանրապետության արդարադատության նախարարության կողմից որպես կառավարիչ հաշվառված և գործունեությունը չկասեցված անձը:

<<Սնանկության մասին>> Հայաստանի Հանրապետության օրենքի 22-րդ հոդվածի 2-րդ մասի համաձայն՝ Պարտապանին սնանկ ճանաչելու մասին վճռի կայացումից հետո՝ մեկշաբաթյա ժամկետում, գործին որպես դիմող մասնակցած պարտատերը (եթե պարտատերերը մի քանիսն են, ապա բոլոր պարտատերերը միասին), իսկ կամավոր սնանկության դեպքում պարտապանը ժամանակավոր կառավարչին տվյալ սնանկության գործով կառավարիչ նշանակելու դեմ կարող են ներկայացնել առարկություններ՝ սույն հոդվածի 9-րդ մասով սահմանված հիմքերի առնչությամբ: Առարկություններ ներկայացնելու հետ միաժամանակ համապատասխանաբար պարտատերը կամ պարտապանը կարող է ներկայացնել կառավարչի իր թեկնածուին՝ կցելով վերջինիս գրավոր համաձայնությունը՝ որպես կառավարչի թեկնածու հանդես գալու վերաբերյալ:

Նույն հոդվածի 3-րդ մասի համաձայն՝ ժամանակավոր կառավարչին որպես կառավարիչ նշանակելու դեմ սահմանված կարգով չառարկելու դեպքում դատարանը մեկօրյա ժամկետում որոշում է կայացնում ժամանակավոր կառավարչին կառավարիչ նշանակելու մասին, եթե նա համապատասխանում է սույն հոդվածով սահմանված պահանջներին:

Ղեկավարվելով վերը նշված նորմերի պահանջներով, նկատի ունենալով այն հանգամանքը, որ ժամանակավոր կառավարչին որպես կառավարիչ նշանակելու դեմ սահմանված կարգով առարկություն չի ներկայացվել, ուսումնասիրելով Դատարանի որոշմամբ սույն սնանկության գործով ժամանակավոր կառավարիչ նշանակված Արամ

վերաբերյալ կառավարչին առաջադրվող փաստաթղթերը, Դատարանը այն հետևության, որ նա համապատասխանում է <<Սնանկության մասին>> Հայաստանի Հանրապետության օրենքի 23-րդ հոդվածով կառավարչին ներկայացվող պահանջներին:

Վերոշարադրյալի հաշվառմամբ և հիմք ընդունելով <<Սնանկության մասին>> Հայաստանի Հանրապետության օրենքի 22-րդ հոդվածի պահանջները, Դատարանը գտնում է, որ Անդրանիկ Նորայրի Վարդանյանի սնանկության կառավարիչ պետք է նշանակել Արամ Կարապետյանին՝ դադարեցնելով սնանկության ժամանակավոր կառավարչի նրա լիազորությունները:

<<Սնանկության մասին>> Հայաստանի Հանրապետության օրենքի 19-րդ հոդվածի 1-ին մասի դ) կետի համաձայն՝ պարտապանին սնանկ ճանաչելու մասին վճիռն օրինական ուժի մեջ մտնելուց հետո դատարանը կառավարչին պարտավորեցնում է ոչ ուշ, քան համապատասխան դատական ակտերի ուժի մեջ մտնելու պահից՝ 5 օրվա ընթացքում, պարտապանին սնանկ ճանաչելու, կառավարիչ և պարտատերերի առաջին ժողով նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում և փակցնել դատարանի շենքում հատուկ հատկա ցված տեղում:

Տվյալ դեպքում, պետք է սնանկության կառավարչին պարտավորեցնել սույն որոշման ուժի մեջ մտնելու պահից հինգ օրվա ընթացքում պարտապանին սնանկ ճանաչելու և կառավարիչ նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում և փակցնել դատարանի շենքում հատուկ հատկացված տեղում:

Վերոգրյալի հիման վրա և ղեկավարվելով <<Սնանկության մասին>> Հայաստանի Հանրապետության օրենքի 17.1-րդ, 19-րդ, 20-րդ, 22-րդ, 23-րդ հոդվածներով, Հայաստանի Հանրապետության քաղաքացիական դատավարության օրենսգրքի 199-րդ և 200-րդ հոդվածներով՝

Ո Ր Ո Շ Ե Ց Ի

1. Սնանկ ճանաչված Անդրանիկ Նորայրի Վարդանյանի սնանկության գործով կառավարիչ նշանակել Արամ Կարապետյանին՝ դադարեցնելով ժամանակավոր կառավարչի նրա լիազորությունները:

Սնանկության կառավարչի վարձատրության չափը սահմանել համաձայն <<Սնանկության մասին>> Հայաստանի Հանրապետության օրենքի:

Սնանկության կառավարիչ Արամ Կարապետյանին հանձնարարել ոչ ուշ, քան սույն որոշման ուժի մեջ մտնելու պահից հինգ օրվա ընթացքում պարտապանին սնանկ ճանաչելու և կառավարիչ նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում և փակցնել դատարանի շենքում հատուկ հատկացված տեղում:

Սույն դատական ակտն օրինական ուժի մեջ է մտնում հրապարակման պահից և կարող է բողոքարկվել Հայաստանի Հանրապետության վերաքննիչ քաղաքացիական դատարան՝ հրապարակվելուց հետո տասնհինգ օրյա ժամկետում:

ԴԱՏԱՎՈՐ՝



ԱՐՄԵՆ ԲԱԲԱՅԱՆ